

Avvustõt ülembootska ja hüä kullõja`!

Kodopaik om mul Petserimaal. Kodokandih ja kotoh kõnõldi kõõ seto kiilt ja tuu mia latsõna opidu jääs miilde ja külge kah õga uhõhui nii pia ar.

Selle omm mullõ tähtsä hoita seto kultuuri, kiilt, leelot kombit. Hoita, kanda ja anda edesi seto kultuuri latsilõ, nuurilõ - tulõvastõlõ põlvõdõlõ, õt leelo olõssi jätkusuutlik.

Tsiht vai iihmärk: ühendädä seto kultuurihuvilisi ka välähpuul Setomaad. Seto kogokonda olõmi kutsnu nuuri, kedä kõüt vai huvitas seto kiil, leelo, kombõ, tahtva kanda seto rõivit, tahtva osa võtta seto kultuuri üritustõst.

Olõ Põlva Seto Seltsi kokkohõikaja, asutaja ja mitmit aastakõ iistvidäja. Latsilõ ku nuurilõ saie kõrraldata Setomaad tutvustavaid ringreise nii Verska, Saatsõ, Obinitsa muuseumidõhe

Latsilõ sai kõrraldata ka seto mustritõh käsitüü huviringe. Latsi näputüü näütüse oll'välläpantu Põlva ku tõistõh Setomaa raamatukogodõh.

Korju pargikõnõ latsi, saie opadu leelot. Latsõ lauli Seto Kuningriigipääväl püüne pääl, Põlva koolih ja mujal seto üritustõl - tähtpäivil.

Seto keeleh püvvä kõnõlda õgal võimalusõl. Nii ummi latsi, latsõlatsi ku lauluproovih. Sagõhõhe tulõ õks selges tetä midä üts vai tõõnõ sõna tähendäs. Esi umal algatusõl, vabatahtlikult olõ opanu latsilõ seto kiilt, laulõ, tutvustanu seto aabitsat, tenüü näütemängu nii Põlva ku Räpinä latsiaiah.

Latsõ omma hüä' opja, selle olõss'i vaia, õt latsiaiah nii mõnõhki rühmäh kõrraldada seto keele oppust. Võisi olla „Seto keelepäiv“. Näütüses, Võro Instituut kõrraldas võro keele oppust Põlva latsiaiah „Pihlapuu“. Ütel pääväl nädäläh kõnõldas võro keeleh.

Põlva Seto Selts tegutsõs 12 aastaka. Ku edimält saie kokko väikõnõ pundikõnõ setosid, sis tsilga-tsalga korju huvilisi mano. Parhilla omm seltsist välläkasunu 3 harro vai leeloparki - „Ilolinõ“, „Vel'o“ ja „Madara“. Ku' iistvidämisõ üle anni, korju pargikõnõ nuuri leelohulisi naisi, nii saie „Ilotsõõr“. Noorõ omma huvitadu, miildüs seto kultuur, leelo, kävvu seto praasnigal, Maarpääväl Petserih, Radaja festivalil.

Põlva Seto Selts omm kõrraldanu: „Suvistõpühä kirmas“, „Petserimaa setodõ kokkosaamisi“, Hõimupäivi, talsipühhi, lihavõttid, kokkosaamisi udmurtõga ja tõisi tähtpäivi.

„Ilotsõõri“ noortõ kõrraldata avaligu üritusõ „Maaselidsa iloõdak“, Umakultuuripäiv, pruuvi saie seto süüke- juukõ, nätä seto pitsiga käterätte.

Põlva seto osalõsõ seto traditsioonilistõl üritustõl -Seto Kuningriigipäiv, Leelopäiv, Radaja festivalil ja tõistõ leelokuurõ kõrraldata tähtpäivil. Seto kultuuri omm viidü ka kavvõmbahe üle piiri -udmurtõ mano, osalõnu festivalidõl nii Saksa-, ku Vinnenaal.

A murõht tege viisadõ saaminõ. Nii timahava ku mõnõ aastaka tagasi õs saa kyik Maarápääväl Radajalõ. Kuigi nime saie üumajalõ ja ekskursioonilõ kirja pantu. Viisa saadi vil septembrih.

Hüvvä miilt tege, õt seto kultuuri ommõ kimmält edesi viidü ka välähpuul Setomaad. Parhilla kyik toimis. Mi, Põlva setokõsõ tahami hoita seto kultuuri - kiilt, leelot, esivanõmbidõ kombit, anda edesi latsilõ, nuurilõ.

Ettepanõk:

„Seto keelepäiv“ latsiaiah - kõrraldaja, läbikõnlõja võisi olla Seto Instituut

_õt vahtsõnõ Setomaa Vald kõrraldasi - Seto Kuningriigipäivä, Leelopäivä, Radaja festivali

_õt Setomaa kultuuriprogrammist toetadas tegevusi ja projekte

_õt kultuuriviisadõ saaminõ lahenõsi

Mis ma ütle, hoidkõ õks kokko setokõsõ, meid omm niigi veidõkõnõ.

Aiteh kullõmast!

Rahasepa Maria